

٢٢- هو أنا (مُسِير) والأقذار متحكمة فيا ولا أنا (مُخِير) وسعيي إلهي متحكم فيا؟! وفرضاً قدري غير إلهي بسعي له يبقى إيه لزمته السعي؟!

مبدئياً إلهي فارقتك عن المخلوقات هو عقلك القادر على الإختيار ..

وهو الحكمه في الأساس من خلقك ، وفكرة إختيارك .. قائمه على إختياراتك في الحياه طول الوقت وفي كل لحظه إنت بتختار .. حتى لو قررت متخترش ، فده إختيار..

فالإختبار هو الإختيار!

فمينفعش نهدم كل ده ونقول أصل الإنسان مُسير .. أصل ده قدر ومكتوب!

(سَيَقُولُ الَّذِينَ أَشْرَكُوا لَوْ شَاءَ اللَّهُ مَا أَشْرَكْنَا وَلَا آبَاؤُنَا وَلَا حَرَمْنَا مِنْ شَيْءٍ كَذَلِكَ كَذَّبَ الَّذِينَ مِنْ قَبْلِهِمْ)

طيب هو إيه القدر والمكتوب وإمتى أنا مُسير مش مُخير؟؟

مبدئياً ..عندك نفسك ، ربنا ألهمها الفجور والتقوى..وهو ده التراك إلهي بتمتلك فيه الإختيار ..

إختيار ما بين الفجور والتقوى ..

وده إللي إنت ملزم بيه وهتسأل عليه ومطلوب منك تركز فيه
وده تراك طويل ومتشعب ومتوغل في كل تفاصيل حياتك ..

أي حاجة تانيه الإجابة عليها مش مرتبطة بالتراك ده
.. فملكش دعوه بيه ..

ده قدر !

زي الميلاذ .. زي الموت .. مرض ملكش يد فيه .. مش مثلاً مُدخن
وجاله سرطان ويقول أصل قدري كده! .. حادثه مثلاً مفاجأه ملكش
يد أو سعي فيها ، يعني مش بتعدي الشارع غلط مثلاً ..

أي شيء بعيد عن سعيك .. هو ده القدر . و دي النقطة اللي
عملالنا دريكه ..

لكن ..

في نقطه تانيه .. إزاي أقدارنا وإختيارتنا كل ده مكتوب قبل
كده ٩٩

الموضوع في جزئين :

(١) فيه عالم شبه الموضوع بمثال ولله المثل الأعلى ..

لو أم عندها ولد هيكون عندها شوية فراسه وإحساس غير
أي حد تتوقع بيه إن ابنها هيسقط مش هينجح!

ما بالك برب العالمين مش هيعرف كل تفاصيل إختياراتك في
علمه مسبقاً؟!

(٢) فيه معجزه إلهيه في الموضوع وهي قدرة الله أن يتدخل ،وهو
حافظ لك كامل حريتك في الإختيار والعدل التام ! هيوضح
الموضوع أكثر في السطور إللي جايه ..

لكن .. إنت كإنسان مش مطلوب منك غير :

(قوة نيه +أخذ بالاسباب +توكل على الله) ودي العزيمه
(فإذا عزمت فتوكل على الله) الخلطه دي لما بتتظبطها ..حتى
الأقدار إللي مش بإيدك بتتظبط وتحرك للهدف!

طيب لما بفضل أسعى ويطلع مفيش نصيب والقدر إللي
مكنش بإختياري هو إللي بيتحقق؟!

مع إن ربنا قال :

(وَأَنْ لَّيْسَ لِلْإِنْسَانِ إِلَّا مَا سَعَى) !!

يعني مش هتاخذ غير إللي بتسعى له وبس ..

إزاي؟ أنا مبوصلش للي بسعى له ؟!

في ٥ حاجات لازم متفصلهمش عن بعض علشان تفهم الموضوع صح:

- ١- ((وَأَنْ لَّيْسَ لِلْإِنْسَانِ إِلَّا مَا سَعَى) وَأَنْ لَّيْسَ لِلْإِنْسَانِ إِلَّا مَا سَعَى) لازم تسعى .. ده قراراتك وخطوات إختيارك مابين (الفجور والتقوى) وتبقى عارف أنا بسعى مركزيتي الله ولا هوى نفسي؟ منهجي ودستوري كتاب الله ولا هوى نفسي؟
- ٢- (فَأَمَّا مَنْ أَعْطَى وَاتَّقَى . وَصَدَّقَ بِالْحُسْنَى . فَسَنِيَّهِ لِيُسْرَى . وَأَمَّا مَنْ بَخِلَ وَاسْتَغْنَى . وَكَذَّبَ بِالْحُسْنَى . فَسَنِيَّهِ لَلْعُسْرَى)

الإيتين تيسير .. لليسرى وللعسرى !

التصديق بالحسنى هو إللي هيسرلك اليسرى ..

والتكذيب بالحسنى هو إللي هيسرك للعسرى ..

إيه هي الحسنى ؟

بإختصار كده .. يعني مصدق بالله وصفاته ، يعني واثق فيه، في حكمته وتدييره ورحمته بيك .. في عدله وحُكمه في الحساب والجنة والنار ..

يعني بتتقي الله وربنا هو مركزيتك .. سعيت في ده وأخذت بقوانين الشيء إللي بتسعى فيه .. خلاص هتيسر لليسرى ..

إيه هي اليسرى؟

اليسرى بإختصار هو كل شيء يهديك للصراط المستقيم إللي نهايته رضا الله والجنه .. وده بيترجم بنتايح كتير تحصلك مش شرط تكون إللي نفسك فيه وعايزه .. لأ .. المناسب ليك وخير ليك إللي يحافظ على النهايه .. وهي رضا الله والجنه إللي هي سعيك وإختيارك من البدايه ..

فلما تلاقي نتيجته ظاهرها عكس سعيك الدنيوي أصلاً متفاجئش .. لأن ده هيكون أنسب سيناريو يحصلك يطّلع منك أفضل ما فيك، فيعدك بشكل أنسب لرسالتك في الحياه إللي هتوصلك للنهايه إللي هي رضا الله والحسنى إللي انت اخترتها من الأول ..

٣- (وَيَدْعُ لِنَاسٍ بِالشَّرِّ دُعَاءَهُ بِالْخَيْرِ وَكَانَ الْإِنْسَانُ عَجُولًا)

إدعي بكل حاجه نفسك فيها مع ربنا لكن تحت مظلة

(لو خير يا رب) مش إنت عايز إيه وبس !

لأن إللي عايزه ممكن يبقى شر .. ويوصلك لنتائج دنيويه ترتضيها، لكن مش هتوصلك للنهايه (الحسنى) ..

٤- ((وَعَسَى أَنْ تَكْرَهُوا شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ))

بعد ما ربنا قدر لك الخير متزعلش لو غير رغبتك ،وده مش معناه إن مش إنت إल्ली مختار .. وربنا إल्ली إختار !

لأ .. هو دبرلك تحت مظلة إختيارك من البدايه(عايز طريق الحسنى ،أياً كانت صعوباته وإختلافه عن إल्ली نفسي فيه من نتايح دنيويه)

٥- (قُلْ إِنْ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ)

الآيه دي قاعدة عامه هتريحك كتير .. هو ده أصل إختياراتك فلما يبقى محياك ومماتك وكل ما يخصهم لله رب العالمين،فمش هتفرق معاك النتائج ..

طيب سؤال مهم .. ما كده ربنا سبحانه وتعالى مُتدخل في إختياراتي بالتيسير أو بالتعسير بشكلٍ ما ؟!

وهنا المعجزه الإلهيه .. قدرته أن يتدخل وهو حافظ لك كامل حريتك في الإختيار والعدل التام بكامل عنايته الإلهيه وتسخير الأصلح إल्ली تستحقه نتيجته لسعيك !

أكثر سؤال شائع :

أعرف منين أنا مصدق بالحسنى ولا لأ ؟ وميسر ليسرى ولا لأ ؟

ما ممكن أكون مكذّب بالحسنى والتيسير للعسرى ؟؟

السؤال ده زي بالظبط ، أعرف منين أنا مؤمن ولا كافر ؟!

ساعتها الرد (الإيمان ما وقر في القلب وصدقهُ العمل)

نفس الكلام في التصديق بالحسنى ..

ما وقر في قلبك وصدقهُ عملك ..

وهو ده المطلوب منك تشتغل عليه وبس وتتأكد منه وتثبتته في

قلبك وتثبتته بعملك .. وسيبك من النتائج !

أكثر حاجة بتلخبطك :

لما تحسبها بالعكس .. محصلتش النتيجة إللي عايزها ، يبقى

أنا بكذّب بالحسنى والتيسير للعسرى ودعائي مش مستجاب وده

عقاب ليا وجزاء !

سؤال متعارف عليه :

إمتي أقول إن الزواج ده أو الشغل ده قدر ربنا عليا .. يعني بشوف

ناس بتسعي وبتعمل إللي عليها ومبتوصلش لطموحها مع إن ناس

تانية ممكن توصل للشغل ده وهي مبذلتش أدنى مجهود !

هو من الآخر الزواج قدر ملهوش أي علاقه بالإختيار..
وإختياراتنا مجرد أمر شكلي !!؟

نشوف من البداية الخطوات :

القدر حط راجل معين في طريقك أو ست معينه في طريقك
.. ده (أوبشن) وهو ده السؤال مش الإجابة!

إحنا بنتعامل إنه جه لحد عندي وفي طريقي فده كده قدري
ورزقي وكمان نستتج إن ده الخير وتعويض ربنا كمان !!

لأ .. ده سؤال وعرض معروض عليك ، خد بالأسباب وقرر
وإختار ..

لازم تسعي بكامل الأسباب للإختيار السليم .. وتفعل قوانين
الإختيار المناسب في الزواج ، بخطواته ..

ويكون مركزيتك في الإختيار هو الله وتستوفى شروط السعي
.. لحد ما تختار إنت ..

طيب أخذت بالأسباب و بعد كل ده ما حصلش نصيب ساعتها
مين إللي إختار أنا ولا ربنا ؟!

إنت بردوا .. تحت مَعِيَة الله !

هقولك إزاي :

لأنك طبقت الآيات دول :

(وَأَنْ لَّيْسَ لِلْإِنْسَانِ إِلَّا مَا سَعَى) .. (فَأَمَّا مَنْ أَعْطَى وَاتَّقَى .
وَصَدَّقَ بِالْحُسْنَى . فَسَنِيَرُهُ لِّلْيَسْرَى)

فحسب إختيارك من الأول وشكل سعيك ربنا بيسرلك
اليسرى أو بيسرلك العسرى!

واليسرى والعسرى بمفاهيمهم إللي وضحناها فوق .. هو
التيسير لمرضاة الله في نهاية المطاف .. من خلال دروس ومواقف
في الحياه بتعلمك وبتتعرف فيها على نفسك وربك وحقيقة الدنيا
.. وده إللي إسمه (إبتلاء)!

طيب إزاي نفرق بين إللي بسعى فيه ده لليسرى ولا للعسرى ؟
على نفس المثال ..

واحد شايفه راجل لا يصلح يكون زوج مناسب وكل المؤشرات
بتقول ده لكن متعلقه بيه !

وبتستमित عشان الجوازه تتم .. هيبسرلك العسرى .. لإن ده
إختيارك إللي بتبذلي أوي له بلا تراجع .. وبلا مركزيه لله !
وكلها إجتهادات والله أعلم

